


2004-miit 2008-mut Kalaallit Nunaanni nukimmik atuineq

Ukiumoortumik Kalaallit Nunaanni angerlarsimaffiit suliffeqarfiillu nukimmik atuinerat pillugu 2004-miit 2008-mut takussutsissiatut nalunaarusiaq kisitsisunik nutaanik immersugaq. Kisitsisit saqqummersut malillugit nukimmik atuineq malittarineqarsinnaassaaq missiliorneqarsinnaassallunissaq Kalaallit Nunaata Kyoto-mi isumaqatigiissut malillugu CO₂-mik mingutitsinerup annikilisinnissaa pillugu pisussaaffini piviusunngortinneraa nalilissallugu. 2008-mi nukimmik atuinikkut CO₂-mik mingutitsineq 682.389 tonsinik annertussuseqarsimavoq. Tamannalu 1990-mut naleqqiullugu 8,3 pct.-mik annertuneruvoq

*Nukimmik atuineq
annertusiartortoq*

2008-mi nukimmik atuineq ataatsimut 10.073 TJ-mik naatsorsorneqarpoq. 2007-mut naleqqiullugu annertuseriaat 4,6 pct.-ulluni. Nukissamik ataavartumik atuineq 2008-mi annikitsuinnarmik annikilleriarpoq, ikummatissianilli atuineq 5,2 pct.-mik annertusilluni. Nukissamik ataavartumik atuinerup annikilleriarnerata uuliamillu ikummatissiornikkut atuinerup annertuseriarnerata peqqutigaa ukioq 2008 ukiumit 2007-mit nillernerunera, tamassumalu kinguneralugu nukissiorfiit ikummatissamik annertunerusumik atuilernerat, malunnaataavortaaq imeq atorlugu nukissiorfiup Utoq-qarmiut Kangerluarsunnguaniittup 2008-mi kaavittut pingajuata ivertinnerani piler-suinerup annikillinera, tamassumalu kinguneraa Nuup illoqarfiani uulia atorlugu innaallagissiornerup annertusinera.

Angerlarsimaffinni sullivinnilu nukimmik atuineq



Saqqummersitami kisitsisit siusinnerusukkut saqqummiussanit naleqqiussinikkut iluarsaagaapput. Soorlu atugassatut nutaat saqqummersut tapersiimmata illuni atuinermut pitsaannerusumik missingiiniarnermut. Tamassuma saniatigut suliffeqarfinni ataasiakkaani nukimmik atuineq inuussutissarsiorfiusunut naleqqunnerusunut soorlu aalisakkanik nioqqutsissiorfinnut nuuttarsimammata. Kiisalu piaaffiit nalunaarutaat malillugit atortussiassanik piiaanikkut nukimmik atuineq aalajangersumik nalilerneqarsinnaalermat, tamassumunnga tunngasut saqqummersitami atuakkit.

<i>Illuni atuineq</i>	Nukimmik atuinerup sisamararterutaata missaa (26 pct.) illuni atorneqartarpoq, kiassarnerlu gasoliamik fjernvarmeqarnikkulluunniit pisarluni. Kiassarnermut nukimmik atuineq silap pissusaata ukiumiit ukiumut allanngorartuunera peqqutaatillugu atuiffiusarpoq. Gasolia, innaallagialu, fjernvarmilu atorlugu kiassarnerup nikerarnerisa allanngoraat ersersittarpaat. 2008-p ukiuata nillerpallaarnerata illuni kiassarnermut nukimmik atuineq qaffariartippaa. Ukiuni kingullerni innaallagissamik atuineq nalinginnaasumik annertusiartortuuvoq
<i>Sullivinni atuineq</i>	Suliffeqarfiit taakkunanilu nukimmik atuinerup allannguisimasut nuna tamakkerlugu nukimmik ataatsimut atukkap sisamanngorlugu agguvut aggorneri pingasut (74 pct.) atugaraat. Ukioq 2004-miilli annertunertigut niuernerup sullissinermillu sullivut gasoliamik atuinerup annikilliarinnarsimavoq, akerlianilli innaallagissamik fjernvarmemillu atuineq annertusiartorsimalluni. Benzinamik atuineq piffik tamakkerlugu annertusiartuaaginnarsimavoq.
<i>... pdf-filitut</i>	"2004-miit 2008-mut Kalaallit Nunaanni nukimmik atuineq" saqqummersitami Naatsorsueqqissaartarfiup nittartagaani www.stat.gl-mi pdf-filinngorlugu aaneqarsinnaavoq, Naatsorsueqqissaartarfimmulluunniit piniarneqarsinnaalluni.
<i>E-mailikkut nutaarsiassanik pisartagaqalerit</i>	Kisitsisitigut paasissutissat nutaat Naatsorsueqqissaartarfiup internet-mi nittartagaatigut tamanut saqqummiunneqartartut siunissami pisartagarisalerusukkukkit elektroniskimik nutaarsiassaqaqarsinnut ilanngussinnaavutit: www.stat.gl-mut iseruit, toqqagassani "nyhedsbrev" iserfigeriarlugu pisartagaqalerniarlutitnalunaassaatit. Taamaallutit siunissami kisitsisitigut paasissutissanik saqqummersitsinivut tamaasa e-mailisarisalissavutit.
	Paasisaqarusunneruguit naatsorsueqqissaarnermi siunnersortaaneq Lene Baunbæk e-mailikkut leba@stat.gl allaffigissinnaavat.
	Inussiarnersumik inuulluaqqusillunga
	Lene Baunbæk Naatsorsueqqissaarnermi siunnersortaaneq